

誠齋詩集卷八

廬陵楊萬里廷秀著

吳江徐達源山民校

朝天集

仲冬詔追造朝供尚書郎職舟行阻風青泥

東闕催人赴赤墀北風攔我泊青泥會當老子有行日
未信北風無住時

破籬外面卽江流枯樹梢頭總客愁隔水遠山濃復淡
殷勤點綴一川秋

三衢登舟午睡

午思昏昏不甯醒倦投竹枕睡難成曉然有夢疑非夢

聽得人聲及水聲

望橫山塔

水面生風分外嚴
竹根剩雪更新添
六年不見橫山塔
茅屋東邊忽半尖

曉泊蘭谿

金華山高九天半
夜雪裝成珠玉案
蘭谿水清千頃強
朔風凍作瑤璃缸
日光雪光兩相射
病眼看來總南北
恨身不如波上鷗
腳指爲楫身爲舟
恨身不如沙上雁
蘆花作家梅作伴
折繚冰酒未是寒
曉寒真欲冰我肝
急閉簾篷擁鑪去
竹葉梨花十分注

莫泊鼠山聞明朝有石唐之險

下水船逢上水船夕陽仍更澀沙灘雁來野鴨卻驚起
我與舟人俱仰看回望雪邊山已遠如何篷底莫猶寒
今朝莫說明朝路萬石堆心一急瀉

夜泊釣臺小酌

牛狸送我止嚴陵黃雀隨人入帝城海錯未來鄉味盡
一杯今夕笑先生

和陳蹇叔郎中乙巳上元晴和

御柳梢頭晚不風官梅面上雪都融如何閭闔新春夜
頓有芙蕖滿眼紅十里沙河人最鬧三千世界月明中

買燈莫費東坡紙今歲鰲山不入宮

十四日晚有旨
徹禁中山棚

二月望日遞宿南宮和尤延之右司郎署疎竹

之韻

此君見我眼猶青笑我吟髭雪點成憶昔與君同舍日
聽渠將雨作秋聲夜來遞宿三更悄葉底春寒一倍生
夢入故園數新筍穿籬破蘚幾莖橫

二月二十四日寺丞田文清叔及學中舊同舍

諸丈拉予同屈祭酒顏丈幾聖學官褚丈集

於西湖雨中泛舟坐上二十人用遞甘江出

麗四句分韻賦詩予得融字呈同社

正月一度游玉壺二月一度游眞珠是時新霽曉光初
西湖獻狀無遺餘君王予告作寒食來看孤山海棠色
海棠落盡孤山空湖上模糊眼中黑夜來三變湖月明
羣仙下墮嬉珠庭東坡和靖相先後李成郭熙在左右
惠崇捧研大如箕大年落筆疾於飛磨墨爲雲灑爲雨
湖波掀舞山傾欹畫作西湖煙雨障今晨挂在孤山上
同來諸彥文章公不數錢起兼吳融何如玉船一舉百
分滿一笑千峯煙雨散

楊花

只道垂楊管別離楊花一去不思歸浮蹤浪迹無拘束

飛到蛛絲也不飛

四月五日車駕朝獻景靈宮省前迎駕起居口

號

鳳輦雲行露未銷
鸞旂風動柳煙高
晴霞由地傳清蹕
霽日吹紅染御袍
喜見天顏浮玉藻
歸從原廟薦櫻桃
小臣再得瞻黃繖
兩鬢星星不滿搔

沈虞卿祕監招游西湖

蘇公堤遠柳生煙
和靖園深竹映關
船入菱荷香處去
人從雲水國中還
似寒如暖清和在
欲雨翻晴頃刻閒
能爲蓬萊老仙伯
一杯痛慢吸湖山

陳蹇叔郎中出閩漕別送新茶李聖俞郎中出

手分似

頭網別樣建谿春小壺蒼龍浪得名細瀉谷簾珠顆露
打成寒食杏花餠鷓鴣班枕面雲縈字兔褐甌心雪作泓
不待清風生兩腋清風先向舌端生

吳春卿郎中餉臘豬肉戲作古句

風瑟

老夫畏熱飯不能先生饋肉香傾城霜刀削下黃水精
月斧斫出紅松明君家豬紅臘前作是時雪沒吳山腳
公子彭生初解縛羅帶繞上凌鰲閣卻將一盞配兩螯
世閒真有楊州鶴

戲作司花謠呈詹進卿大監郎中

靈君觴客滕王家
鼇頭仙人伴
謂花仙人一笑春風起
開盡山源萬桃李
李花冷白桃偶紅
坐客桃霞李雪中
仙人半酣舞造化
風吹雨打千花空
嬌香菸色付一掃
病苔殘英又嫌老
落花已對春風羞
新花也對春風愁
姚黃魏紫世無種
且據眼前桃李休

直宿南宮

獨直南宮午獨吟
卿雲淡淡竹陰陰
小風漫薄鵝黃雪
看到槐花一寸濃

秋熱連宵夢不成
移牀換枕到天明
今宵不熱還無睡

卻爲宮簷瀉雨聲

大司成顏幾聖率同舍招游裴園泛舟繞孤山
賞荷晚泊玉壺得絕句

小步溪登野寺幽古松將影入茶甌鈴聲忽起九天半
有塔危峯最上頭

岸岸園亭傍水濱裴園飛入水心橫
只揀荷花開處行

小泛西湖六月船船中人卽水中仙
外鋪雲錦千弓地
中度琉璃百摺天

城中擔上買蓮房未抵西湖泛野航
旋折荷花剝蓮子

露爲風味月爲香
人間暑氣正如炊
上了湖船便不知
湖上四時無不好
就中最說藕花時

謝胡予遠郎中惠蒲大韶墨報以龍涎心字香
墨家者流老蒲仙
碧梧采花和麝煙
華陽黑水煎膠漆
太陰元霜作肌骨
龍尾磨肌歛鼠鬚
落點髭几几不如
夷甫青瞳光敵日
一見墨卿驚自失
後來夔州有梁杲
爾來黟川有吳老
亦追時好得時名
竟爲蒲生豎降旌
吳墨往往元尚白
梁墨溼溼臙黏壁
南宮先生來自西
惠然贈我四元圭
我無鵲返鸞迴字
我無金章玉句子

得君此贈端何似兀者得韓僧得髭安得玉案雙鳴璫
金刀繡段底物償送以龍涎心字香爲君興雲繞明窗
新涼五言呈尤延之

暑極無可增夏餘亦復幾幽人渴欲啜日日望秋至秋
至涼不隨夏去熱未已一夕睡美餘秋從簟波起新涼
來何方酒若清到髓夕前輕雨作雨後微風駛涼偶與
之偕未必涼因此向來亦風雨旣止暑更倍但令暑爲
涼老病有生意何必問所來亦莫愁徂歲

和同年李子西通判

走馬看花拂綠楊曲江同賞牡丹香向來年少今俱老

君拜監州我拜郎北闕小遲蒼玉佩南征聊製芰荷裳
病身只作家山夢徑菊詩葩兩就荒

九日郡下黃雀會新

九日新霜薄羣飛一網遮裘披楊柳絮色染木樨花下
箸欣鄉味知儂憶故家金杯浮菊蘂相映兩重華

和周元吉左司夢歸之韻

半似清狂半白癡不須人笑我心知煙霞平日眞成癖
山水中年卻語離錯計浪隨雲出岫感君能遣雨催詩
居然喚起還家夢橘刺藤梢隔槿籬

給事葛楚輔侍郎余處恭二詹事招儲禁同僚

沈虞卿祕監諭德尤延之右司侍講何自然
少監羅春伯大著二宮教及予泛舟西湖步

登孤山五言

曉雨擣珠屑吹作空中塵拂水無落暈映巒有遮痕承
華兩端尹喜招出城闌一尊洗雲師借風開晝昏諸鬟
忽脫帽孤鏡亦捲袖西湖翳復皎南山洗如新舍舟步
柳隄曳杖啄松門乃是小上林亦有虎守闌桂落賸金
粟蓉妝濃繡屏高堂竹梢上幽榭荷葉濱羣仙此小憩
呼酒領一欣秋花隔水笑我墮紗巾雙醺不知籌互
嘲還作春行樂戒多取況復仄義輪歸髮兀頽玉那知

醉與醒

李聖俞郎中求吾家江南黃雀醪戲作醪經

遺之

江夏無雙小道士一邱一壑長避世
裁雲縫霜作羽衣
蘆花柳絲當裘袂身騎鴻鵠去
敲海腳踏金華桂枝
渴飲南陽菊潭水飢噉藍田粟
玉芝今年天田秋大熟
紫皇遣刈神倉穀一雙鳬雁墮
雲羅夜隨弋人臥茅屋
賣身不直程將軍卻與彭越俱
策勳解衣戲入玉壺底
壺中別是一乾坤水精鹽山兩岐
麥身在椒蘭眾香國
玉條脫下溼凝脂金叵羅中酌瓊液
平生學仙不學禪

刳心洗髓槽牀邊諸公俎豆驚四筵猶得畱侯借箸前
昔爲飛仙今酒仙更入太史滑稽篇

會蒸餅作

何家籠餅須十字蕭家炊餅須四破老夫飢來不可那
只要鶻崙吞一箇詩人一腹大於蟬飢飽翻手覆手閒
須臾放箸付一莞

早朝紫宸殿賀雪呈尤延之

雪妃月姊宴羣仙珠閣銀樓集玉鸞老子來看收不徹
梅梢拾得水精盤

送詹進卿大監出宣城

今代稽山賀季真
前身江左謝宣城
向來詔出無雙
已遍雲霄尺五程
銀杏木瓜分我否
鴛鴦野鴨莫渠驚
玉皇香案方虛位
看即徵黃侍紫綰

送何一之右司出守平江

十年一別再從游
又見魚書拜徹侯
人物只今何水部
風流不減韋蘇州
白蘋洲上春傳語
烏鵲橋邊艸喚愁
報政不應遲五月
鶯花紫禁竚歸舟

德壽宮慶壽口號
淳熙丙午元日聖上詣東朝
慶壽八秩積陰頓晴飛雲弄日聖孝昭格萬
姓呼舞擬作口號

長樂宮前望翠華玉皇來賀太皇家青天白日仍飛雪
錯認東風轉柳花

清曉鞭聲出禁中驚開賸雨及殘風金鴉銜取紅鸞扇
飛上玻璃碧海東

春色何須羯鼓催君王元日領春回牡丹芍藥薔薇朵
都向千官帽上開

甘露祥風天上來今回恩數賽前回都將四海歡聲裏
釀作慈皇萬壽杯

甲戌王春試集英小臣曾是老門生蒼顏華髮鵷行裏
也聽鈞天九奏聲